

TRUK DISTRICT CONGRESS

EU NOPWUNGUN EWE AWONUWEN CONGRESS, 1962

PUBLIC LAW NO. 6 - 5

EU NOPWUNGUN CONGRESS A EFISI TAKISES WON PISEKIN CHEITAKU MEI TONONG NON CHUK.

E PWE PWUNG me non ewe Awonuwen Mwichen Congress non ar mwich, Pwe

Tetten 1. Eu tkises e pwe fis won ekkewe nopokus me ekkewe fouten inis ussun a awewetiu fan, mei tonong non Namwun Chuk.

- (a) Ekkewe Nopokus: Ekkewe nopokus ussun epiten mangaku, me ekkewe apit mwirin tutu, nomis, kiris, ekkewe sakkun epiten mokur, ekkewe non apatapat, ekkewe epiten mokur mei ewinano anuen mokur pwan ekkewe sakkun epiten inis pwan ekkewe ekkoch apit mei pokkus ussun ekkei kich mei sisinei; nein ekkena asan sia aea ren apokkusun inis; nge ei annuk esap fis won ekkewe apit sia aea fan iten safei; esap fis won soap ren nimenimen inis; esap fis won ekkewe sakkun apit sia aea ngeni semirit ussun oshiroi (powder) oil pwan ekkewe ekkoch sia aea fan iten tumunun semirit.
- (b) Ekkewe Fouten Inis pwan met kan: Ekkewe pisek meininis mei founo nein aramas me pisinis ussun ekkei pisek mei ningech (jewelry) mei meretin ussun diamon, pwan ekkewe ussun diamond mei meretin; pwan ekkewe pisek a for pwe fouten inis me ekkewe sakkun mecha mei fechan; ren watch, kunok me nenian kewe, gold, silver me ekkewe pisekin mwongo mei for seni silver. Ei takises mei fis fan pochokkunen ei annuk esap pwan fis won ekkewe was me kunok ra amomo non ekkewe nenien amomo nge niwinin mei kis-seni \$50.00 pwan ussun chok ren ekkewe mesekinas, manneng, pencil, paipen supwa, ika pwe mei ekis fiti ekkewe mecha mei meretin nge rese aea fan iten pisekin cheitaku.

Tetten 2. Aukukun ei takises iei a tettenitiu fan:

- (a) ekkewe nopokus: 10% seni taropwen ukukun pisek.
- (b) ekkewe pisek mei ning: 20% seni taropwen ukukun pisek.

Tetten 3. Ei takises mei fis non ei annuk e pwe iseisetiu ren ewe chon Iseis Moni esap mang seni engon-me-nimu (15) ran murin an emon angei taropwen ukukun an pisek, ochu-fengeni mon me taropwen pisek ren an ei offes e pwe nengeni.

Takises a tori ponan nge ese monatiw mwirin ewe 15 ran seni ewe fan-soun a angei taropwen an kewe pisek, sipwene apasa pwe a mangemo, nge tipisin e pwene pachengeni engon (10%) prosentini ewe ukkukun takises ese wes.

Tetten 4. Emon ese esineito porausen an takises are monatiw an ewe takises mei fis non ei annuk, nge ika a tipis ren, e pwe tipis non met mei apasa non Tetten 1146 me non ewe Trust Territory Code.

Annetata: /s/ Chiro Albert
Ren iten Endy Dois, Secretary
Truk District Congress

Signed: /s/ Raymond Setik
Raymond Setik, President
Truk District Congress

Kapunguno: 21 December, 1962

Kapunguno: 3 January, 1963

/s/ Robert Halvorsen
Robert Halvorsen
District Administrator, Truk

/s/ M.W. Goding
M.W. Goding, High Commissioner
Trust Territory of the Pacific
Islands